

Awenochi durante e concierto di Lucky Dube..

THE CREATORS LO BAY MARCA HISTORIA GRABANDO UN CD LIVE..

Fotos y Texto : Poets.



** Tur cos ta cla pa awenochi nos banda local The Creators, bay realiza nan grabacion envivo durante nan presentacion den e concierto di Lucky Dube.

Esaki ta pa prome biaha cu un banda local di musica di reggae lo bay realiza un grabacion envivo pa un produccion di un disco compacto. Pa e reto importante aki, integrantenan di The Creators, a hiba un ensayo extenso di mas cu un luna largo. Durante e ultimo dos simannan aki, tur anochi nan tabata sumamente ocupa cu nan ensayo, pa cual nan tabata haci hopi sacrificio pa asina awenochi nan duna un tremendo presentacion y alaves produci un produccion di halto nivel y caliber.


E repertorio cu nan lo bay presenta awenochi cu alaves lo bay resulta riba nan CD live, ta consisti di

9 tema, di cual 4 ta propio composicion. E temanan cu lo bay aparece ta como lo siguiente: 1) I Want your love, 2) Picky Picky, 3) Back to may land, 4) Jogging, 5) Crucial Time, 6) Jah Bless Aruba, 7) Woman of my life, 8) Survival, 9) Identity.

The Creators ta forma pa Carlos Jacobs (lider/drums), Ayung Chung (percusion), Rene Lacle (sentyzeiser/cantante), Ruben Trappenberg (cantante), Anthony Hoevertsz (guitar), Nico Conner (bajista/cantante), Erick Arrindell (sax) Lucio Rivadeneira (soprano sax), Steve Gibbs (trombone/cantante).


E techniconan di sonido cu lo bay ta encarga cu e parti di e grabacion envivo, lo bay ta e dos genio musiconan, Hildward Croes y Dimitry Frans. Pa duna e grabacion aki

DEN AMBIENTE



su toke envivo autentico, e publico presente su participacion cu nan grito y aplausonan lo bay ta uno masha importante. Pues e sosten y apoyo masalmente di e publico lo bay yuda engrandese e grabacion aki aun mas den e forma envivo. Ta pesey mes ta haci un apelacion riba e publico pa duna nos banda local e calor di nan apoyo cu nan grito y aplausonan, pa asina demostra cu aki na Aruba nos bandanan local tambe por realiza un grabacion live anto riba un nivel y caliber halto. DEN AMBIENTE ta desea The Creators tur clase di exito cu nan compromiso hopi importante awenochi den Joe Laveist Sport Park..

AWENOCHI BASIC ONE LO BAY PISCA NAN MASBANGO



** E popular grupo di rap Basic One lo ta hopi bon prepara awenochi pa nan presentacion durante e concierto di Lucky Dube. Pa e anochi grandi aki, integrantenan di Basic One a tuma casi dos luna di preparacion, pa di e forma aki bay duna e publico un espectáculo cu nunca nan no a experencia di Basic One. Lo bay tin tambe shownan di comedia y diferente shownan di baile. E repertorio lo bay ta uno master y suave manera semper di Basic One cu nan cantantenan Janiro Eidsen, Cesar Olarte y nan special guest Mr. Breaker, mientras cu Kurt Labadie lo bay demostra cu e ta e master den scratch disco, cual e lo bay realiza riba escenario.

